

տութիւնն հանդերձ իշխանութեամբ և իրաւասութեամբքն ի պէտս Ազգի՝ և Նկեղեցւոյ և նոցա գոյութիւնքը ապահովելոյ համար:

Ինչ և իցէ: Յունական բաղմադարեայ ատելութեան արգասիքներն և պատճառներն այնքան շատ են՝ որ գրելով և պատմելով մեծ հատորներ կկազմուին, և տակաւին ինչ ինչ դաւաճանութիւնքը և նենգամիտ ջանքերը հետզհետէ պիտի տեսնուին այս հակիրճ յօդուածոյս մէջ*):

Գլխաւոր Վկայասէր Վաթուղիկոս — Թէպէտ ազատ մնաց Գետադարձի և Նաչիկ Բ. Վաթուղիկոսի ի Յունաց կրած չարաչար տառապանքներէն, մանաւանդ նորա օրով Յոյք սկսած էին առ մեզ հասուցած վտանգներէն թուլանալոյ՝ որում ուրիշ պատճառներ ևս ունէին, և չնայելով որ Յունական և Պարսկական իշխանութեանց ըստ քաղաքականին գործած աշխարհակործան աւերմունքներն ևս կը

շարունակուէին, — մի քանի եկեղեցական բարեկարգութիւններ անելէ զինի՝ միշտ զրաւոր թարգմանութեանց պարապել սիրելով և կամենալով, նա և չկարողանալով Ազգի տառապանաց դարման տանել և կամ ժուժել, կխորհի ի Վաթուղիկոսութենէ հրաժարելոյ, և կյաջողի ի անդի իւր Վաթուղիկոս զԳէորգ Առեցին օծելոյ, և երբեմն այլոց ևս Վաթուղիկոսութիւն տալով՝ Վկայասէրն մի չար սկզբունք և օրինակ կընծայէ ապագային, և զրեւս թէ այն ժամանակէն սկսեալ և իբրեւ օրինաւորապէս կյառաջանայ այն չարիքը՝ որ փոխանակ միոյ Վաթուղիկոսի՝ հետզհետէ մի քանի Վաթուղիկոսներ կլինին, և Նկեղեցւոյ հուրապետական մեծ և վսեմ կապի մէջ մի մեծ զեղծմունք և խանգարմունք կմտնէ և կշարունակուի ի վնաս Նկեղեցւոյ, որոյ չարիքները ցայսօր կտեսնուին և պիտի տեսնուին Ազգի մէջ՝ մինչև որ իսպառ նոյնպիսիքն բարձուին և ջնջուին:

(Շարունակելի)

ՊԱՆՔԱՄ ՎԱՐԴԱՊԵՏ ՄԱՆԿՈՒՆԻ:

(*) Յոյք աւելի ատելի եղած էին Հայոց, վասն զի նոքա իբրեւ բռնապետ և եկեղեցւոյ կամ կրօնական սէր և միութիւն քարոզելով, և պատուակելով իւրեանց ներքին նպատակ և ձրգտումները, քաղաքական իշխանութիւնն մի կողմէն, և կրօնականն միւս կողմէն մեծ վտանգներ բերին և բազում չարիք հասուցին Հայոց Նկեղեցւոյ և Ազգի վերայ: Եւ երկուր ժամանակներ նա և ուսումն և գիտութիւնք նոցա մէջ ծաղկեալ գոլով, ոմանք ի մէջ կերթային ի Յունաստան աւելի գիտութիւնները ուսանելոյ համար, և երբեմն խմբուած կգային և փոխանակ օգտաբեր անգամ լինելոյ՝ աւելի վնասատու կկանգնէին, և միամտութեամբ չափազանց համակրութիւն առ Յոյնս կցուցանէին՝ ի նոյն զԱզգն ևս յորդորել ջանալով:

ՊԱՏՄԱԿԱՆ

ԵԿԵՂԵՑԻՔ

ՎԱՂԱՐԴԱՊԵՏ ԲԱՂԱՎԻ

Ա. — ԿԱԹՈՒԴՈՒՆԵԿԵՂԵՑԻ ՍՈՒՐԲ ԷԶՄԵԱՅԻՆ:

Վաթուղիկէ Նկեղեցի կոչեցաւ առաջին Նկեղեցին Վաղարշապատայ՝ ի հըրեշտակէն սրբոյն Գլխաւորի տեսիլը բացատրելու ժամանակին, «Ոսկի խաղիսին վէմն հաստատութեան անշարժութիւնն

է. և սիւնն հրեղէն Սաթուղիկէ Լեկեղեցի է, որ ժողովէ զամենայն ժողովուրդս ի միաբանութիւն հաւատոյ ի ներքոյ թեւոց իւրոց, : (Ագաթանգեղոս, Թուղթ ՅԼԻ):

Այս անուանակոչութիւնը Վաղարշապատայ Մայր Լեկեղեցւոյն կ'տան և առհասարակ մեր ազգի մատենագիրք հրեշտակի այս բողատութենէն առնելով, որպէս Խորենացին (Եր. զիրս, զԼ. Թ. 60.) «Թողեալ խարսխեաց, ասէ, (մեծն Սահակ զՄեսրոպը) Եկեղեցւոջն Սաթուղիկէի, որ ի Վաղարշապատ քաղաքի, :

Եւ վասն զի՝ «Աթոռ Քահանայապետութեան Հայոց, այս Սաթուղիկէ Լեկեղեցին եղաւ, ուր զառաջինն Սաթուղիկոս նստաւ սուրբն Գրիգոր, նորա համար և մեր պատմաբանք Մայր Լեկեղեցեայ կ'անուանեն զսա իբրեւ Գլուխ ընդհանուր Լեկեղեցեաց Հայաստանի, ինչպէս դարձեալ Խորենացին Աշտարհազրութեան մէջ, «Մայր Լեկեղեցեաց, ասէ, ի թագաւորաբնակ և յարքայանիստ Վաղարշապատ քաղաքի, : Եւ Յովհաննէս Սաթուղիկոս, «Մեծ Հայրապետն Հայոց Բարգէն առնէ ժողով Լախսկոպոսաց ի՝ Նոր քաղաքի, ի սուրբ Սաթուղիկէ, ի Մայրն Լեկեղեցեաց Հայոց, :

Բայց յետոյ այս Սաթուղիկէ Լեկեղեցին ի յետագայից կոչեցաւ սուրբ ԼԶմիածին աւելի յարմարութեամբ ի խորհուրդ տեսեան սրբոյն Գրիգորի, «Տեսիլ ահաւոր մարդոյ բարձր և ահիզ, որ զառաջսն ունէր և զգնէ ի վերուստ մինչ ի խոնարհ : Օայս կերպարան մարդոյ, կը վկայէ Ագաթանգեղոս, հրեշտակն մեկնեաց

ի խորհուրդ տեսչութեանն Աստուծոյ, իսկ այս ահաւոր և շքեղաւոր, որ զառաջն ունի զլուսոյն և զոսկի ուռն ի ձեռին, և բախեաց զսանդարամետս, այս տեսչութիւնն Աստուծոյ է, : (Ի Թուղթն ՅԼԻ) Իսկ այս տեսչութիւնն Աստուծոյ վերադրեցին նոյնպէս յետագայի՝ իջման Միածին Բանին Հօր. այս մաքով յօրինուած է շաւրականն «ԼԶմիածինն ի Հօրէ և ըն : Սորանից ապա Սաթուղիկէ Լեկեղեցին Վաղարշապատայ կոչուեց ԼԶմիածին իբրեւ անուն սեպհական :

Առջեցին և Շողակաթ դարձեալնոյն տեսիլքէն առնելով. «Սիւն գործեաց լոյսն շողացեալ, ասէ Ագաթանգեղոս ի Թուղթն ՅԼ, և ծագեաց ի մէջ ներքին սեանցն խարսխաց,՝ ինչպէս հին Տօնացոյցն՝ ուր դնի, «Տօն է շողակաթին ըստ տեսեան սրբոյն Գրիգորի, : և Աստղիկ. «Օփրկական նշանն որ ի վերայ սրբոյ Շողակաթի գմբէթին կանգնեալ էր, ճոպանօք ի վայր բերէր (Աբշահ Ամիրայն) ի՝ ՆԼԱ Թուին, :

Մայր Լեկեղեցւոյ այսքան անուանակոչութիւնէն՝ մեք մեր այս Ստորագրութեան մէջ առաջին անունն ի դործ դնելով կրնաքեալ ի հրեշտակէն, այն է Սաթուղիկէ Լեկեղեցի, նորա տեղը կը գտնենք Վաղարշապատայ քաղաքամիջին «մօտ յապարանս արքունի, ըստ Լուսաւորչին տեսեան. «Եւ տեսանեմ ի մէջ քաղաքիս մօտ յապարանս արքունի խարսխաձե ճախարակաձե խարխիս ոսկի . . . և տեղին այն, ասէ, լիցի տաճար Աստուծոյ և տուն աղօթից խնդրուածոց ամենայն հաւատացելոյ, և Աթոռ Քահանայապետութեան, : (Ագաթ. Թղթ. ՅԼԳ) :

Եյս տեղ, ուր բախեաց մարդն ահա-
ւոր սակի ուռամբ զթանձրութիւն լայնա-
տարած դեանոյն, և ուր հրեշտակն ասաց
սրբոյն Վրիգորի, «Շինեաջիր զտաճար
անուանն Եստուծոյ ի տեղւոջն՝ ուր քեզ
ցուցաւ,» (Ի Թղթն. 31, 12), սուրբն Վրի-
գոր Թաղաւորի և Ժողովրդոց հետ բարձր
քաղաքորմով փակեալ զտեղին ի պատիւ,
և դռնով և դռնափակով ամրացնելով,
կանգնեց անդ նշան Տէրունական Խաչին,
որ ամենայն ոք գալով այն տեղ, ամենա-
զօր Երարչին Եստուծոյ երկրպագելով
ծունը կրկնեն, ուր և յետոյ սուրբն Վր-
րիգոր Անսարիա Եպիսկոպոս ձեռնադր-
ւելէն ետքը շինեաց «գնկատեալ տեղե-
տանն Եստուծոյ զցուցեալն նմա ի տես-
լեան, զյառաջագոյն դրոշմեալն իւր, և
կանգնեաց անդ զԵկեղեցին Եստու-
ծոյ»), սրբոյն Տրդատայ Թաղաւորութեան
հնգետասաներորդ տարին, յամս Տեա-
ռն 301—303 և նորա մկրտութենէն ու
սուրբ Եւետարանը ընդունելէն ետքը բո-
լոր բանակի և Ժողովրդոց հետ:

Եւ ինչպէս յայտնի է, սուրբ Լուսաւո-
րիչն Վրիգոր այս Եկեղեցւոյ մէջ յարե-
ւելս կանգնեց մի սեղան սրբազան խորհր-
դոյ և օծեց զայն սուրբ Եստուածածնի
անուամբ, տօն կարգելով նմա Օգոստոս
ամսոյ մէջ վերափոխման շաբաթ օրը, այս
է որ մեր Եկեղեցւոյ հին Տօնացուցի մէջ,
ինչպէս որ վերը դրինք, նախնիք դրել են

(*) Եստ աղային աւանդութեան՝ աստ կանգ-
նեց նոյ սեղան և մատոյց Եստուծոյ իւր գո-
հութեան պատարագը. ուր յետոյ կռապաշտու-
թեան ժամանակ կայր Երտնիս կուռք, յորմէ և
կոչէր Երտնիս քաղաք ըստ Խորենացւոյն:

«Շաբաթ տօն է Շողակաթին տեսիան
սրբոյն Վրիգորի,» ուստի և յետագայ
պատմագիրք մեր կը կոչեն «Շողակաթ
Եստուածածին»,:

Ըստ այսմ այս Աթուղիկէ Եկեղեցի
եղաւ տեղի և Եթու մեծ Վահանայապե-
տութեան Հայոց և հոգևոր իշխանու-
թեան Վրիգոր Լուսաւորչին և անմիջա-
պէս յաջորդաց մինչև Հայրապետական
Եթուոյ Վիկն փոխադրուիլը, ըստ քաղա-
քական հանդամանաց աղգիս, ուր սուրբ
Լուսաւորչէն մինչև Մէլիաճ՝ նստան
տասներկու Աթուղիկոսունք՝ Փրիչական
303 թուականէն մինչև... ըստ որոյ և հա-
ւաստի է թէ՛ և մենաստանն սուրբ Լու-
սաւորչէն սկսաւ. զոր աղգային պատմիչք
Տուն Աթուղիկոսարանի կ'անուանեն:

Ուրացեալն Մեհրուժան երբ որ Վա-
ղարշապատը կ'աւերէր իւր յարձակման
ժամանակը յամին 380, աւերեց և Աթ-
ուղիկէ Եկեղեցի քաղաքին՝ Եթուն
Հայրապետական. որոյ համար Սերէոս
Եպիսկոպոս պատմիչ՝ սոյն Աթուղիկէ
Եկեղեցին Վահանայ նորոգութեան ժա-
մանակին, որոշակի կ'զրէ և այս, թէ Պար-
սից զօրքը Մեհրուժանայ առաջնորդու-
թեամբ աւերեցին և Աթուղիկէ Եկե-
ղեցին ըստ այսմ. «Եյս Վահան, ասէ,
(Մամիկոնեան) Ժողովեաց և զհարկս աշ-
խարհիս Հայոց (զոր տային յարքունիս) և
շինեաց զԵկեղեցիս մեծամեծս, զոր աւեր-
եալ էր Պարսից ի Վաղարշապատ քաղա-
քի, և ի Ղափնի և ի Մզրայս . . . ,»:

Իայց ինչպէս կ'երևի Վաղար Փարպեց-
ւոյ թղթէն առ Վահան տէրն Մամիկո-
նէից՝ զոր յառաջ պիտի բերեմք յետոյ,
Վահանայ նախնիքը նորոգած պիտի լի-

նին Վաթուղիկէ Լեկեղեցին Վաղարշապատայ Պարսից Հայաստան յարձակուած ժամանակին Պապայ Թադաւորիլէն ետքը՝ Մհրուժանայ աւերմունքէն գրեթէ հարիւր երեք տարի յետոյ, և Վահանայ նորոգութենէն յառաջ:

Փրկչական 452 թուին երբ որ Հայրապետական Եթոռն Վաղարշապատէն փոխադրուեց ի Ղլին Մեղիտէ Վաթուղիկոսի Հայրապետութեան առաջին տարին, աստ ի Վաթուղիկէ Լեկեղեցին կարգուեց միաբանութիւն հոգեւոր Աւետի ի փառաբանութիւն Լնուանն Եստուծոյ. որոց հոգ և խնամք կը տանէին Հայրապետք ի Ղլնայ, ինչպէս կը յայտնէ Ստեփաննոս Օրբէլեան ի դիմաց Վաթուղիկէի գրած ողբի մէջ: Ըստ այսմ. «Բայց անտի (ի Ղլնայ) աստ (ի Վաղարշապատ) զիս խնամէին (Վաթուղիկոսունք):

Բաց ուրիշ պատմագիրներէ, Վաղար Փարպեցին իսկ կ'ըկայէ առ Վահան գրած թղթի մէջ՝ որ ամենիցն յառաջ է, թէ Եթոռը Ղլին փոխադրուելէն ետքը՝ Վաղարշապատայ Վաթուղիկէ Լեկեղեցւոյ մէջ կարգեցաւ «միաբանութիւն աղօթաւոր անձանց պարեգօտեւորաց», որոց գլխաւոր կարգեց Վահան գնա ինքն Վաղար. ուստի ոչ միայն Վաթուղիկէ Լեկեղեցւոյ վերայ Հայրապետք խնամք ունէին, այլ և իշխանք նախարարազունք և սպարապետք. յորոց Վահան Մամիկոնեան՝ որ Հայոց զօրավարն էր այս ժամանակին, Պարսից զօրացը յաղթելէն ետքը՝ նախարարաց բազմութեամբ եկաւ ի Վաղարշապատ յամի 483, ուր Վաթուղիկէ Լեկեղեցւոյ մէջ գոհութիւն մատուցանելով արած յաղթութեան համար, նորոգեաց

մեծապայծառ շքեղութեամբ՝ «զհնացեալ գործ նախնեացն իւրոց», զՎաթուղիկէ Լեկեղեցին յերեսաց աւերանացն Մհրուժանայ և հնութեան ժամանակին յամին 506, որպէս ասէ Վաղար ի պատմութեան, 273, և շինեց մենաստան կրօնաւորաց համար. որոց և վերակացու կարգեց զՎաղար. որոյ համար գրէ և Եսողիկ, «Իսկ Վահան (Մամիկոնեան) զԼեկեղցիս Եստուծոյ լուսաղարդեալ նորոգէր, զպաշտօնեայս ուխտին մեծարելով, բարեշէն զաշխարհս առնելով, նոյն և ի ժամանակս իշխանութեան իւրոյ՝ զմեծն Վաթուղիկէ Լեկեղեցին որ ի Հայս, վերստին մեծապէս նորոգեաց, զդասս կրօնաւորաց բազմացուցանելով,»:

Ելլ թէ և Վաղարայ վերակացութենէն յառաջ ի Վաթուղիկէ Լեկեղեցին՝ կը խնամէին զայն իշխանք և նախարարք մեր և վերակացու ևս կարգած էին անդ Վահանայ նորոգութենէն ևս յառաջ, յայտնապէս կը տեսնուի Վաղարայ թղթի մէջը առ Վահան. որ երբ վերակացութենէն հանուեց, այսպէս բողոք կը գրէ նրան. «Լու կամաւ ևս խորհրցիս զյիշելդ տըւեալ պատգամն երանելոյն Յովհաննոս՝ Գիւտայ Վաթուղիկոսի եղբօր որդւոյն քեզ Տեառն ի Սիւկոյ դրախտին. յոմանց տրանց իրք խոստանալով քեզ տեսնն կարասի՝ խնդրէին զտեղիդ (Վաթուղիկէ Լեկեղեցին) . . . և ընդ Տեառն Յովհաննայ զայրացար թէ բնաւ իբրեւ քեզ առն ոչ լսել . . . և ես վասն զի տկարամիտ և անզգուշացող այր եմ՝ յերկրաւոր միտոյ ոչ զգացի առ ժամայն դաւոյն. այլ պարտ էր փութով և երազ երազ անկանիլ ի յոտսդ արտասուօք և աղաչելով ի բաց

փախչել ի հոգաբարձութենէ տեղւոյն, :
(Ի թուղթին առ Վահան Տէրն Մամի-
կոնէից, տիպ Մոսկուայի):

Սորանից յայտնի է թէ յառաջ ևս
Կաթուղիկէ Լեկեղեցում կային կրօնա-
ւորք, որոց վերակացու էր Վազարէն յա-
ռաջ՝ Լերանելի ասացեալն Յովհան, և այն-
քան նախանձելի էր միաբանից բարդա-
ւաճեալ վեճակը, մինչև շատերը կ'զգարէ-
ին Վազարայ վերակացութեանը, և կը-
ջանային նորա ձեռքիցը յափշտակել զայն
իրք խոստանալով Վահանայ Վազարը
արտաքսելու համար. սորանով կարող
եմք ապացուցանել թէ Հայրապետական
Եթոռը ի Վիլն փոխադրուելէն ետքը,
Վազարչապատայ Լեկեղեցում կայր Ուխտ
միաբանութեան վերատեսչութեամբ զըլ-
խաւորաց՝ մանաւանդ թէ Հայրապե-
տաց, որոնք կ'յիշուին Վազարու թղթի
մէջը՝ մինչև նա ինքն Վազար՝ որ Վա-
հանայ հրամանաւ կարգուեցաւ վերակա-
ցու:

Վազարու այս թղթի յառաջաբանէն
զիտեմք, որ Վազարչապատայ Կաթու-
ղիկէ Լեկեղեցին փայտաշէն էր Վազարու
վերակացութեան օրով, որոյ ժամանակ
փայտակերտ Լեկեղեցին հրով փնասուելով
«ի վայրաբար մարդկանէ», ինչպէս կը վը-
կայէ թուղթը, այս պատճառաւ գնաց
Վազար ի կողմանս Յունաց յԵմիթ քա-
ղաք (Տիարպէքիր), ուր տեսնելով որ
չարանախանձ մարդիկ սուտ բաներ կը
շատացնեն Կաթուղիկէ Լեկեղեցւոյ և իւր
ուսման համար, զրեց այն տեղից յիշեալ
Թուղթը առ Վահան:

Եյս մասին յառաջաբանի զրուա-
ծը*), «Կամեցեալ մեծի իմաստութեանն
Վահանայ Մարգարանի Օօրավարին Հա-
յոց տեսուն Մամիկոնէից զնա (զՎա-
զար) իւր առաւել մերձաւոր և սիրելի
առնել, շնորհէր նմա զհոյակապ և զա-
կանաւոր տեղին ի Նոր քաղաքի, որում
անուն էր սուրբ Կաթուղիկէ Լեկեղեցի
վանօքն. և նորա ընկալեալ զբանն Մարգ-
արանին, խնամած էր զտեղին. պատահեաց
նմա կրել տրտմութիւն ի վայրաբար
մարդկանէ. զի ի հրոյ փնասեալ փայտա-
կերտ Լեկեղեցւոյն . . . (աստ պակասի մի
թուղթ, որպէս զնի յօրինակին.) յայս-
մանէ կամ եղև նմա զնալ ի կողմանս
Յունաց. հասանէր յԵմիթ քաղաք. և
անդ առ ժամանակ մի զտեղի առնոյր,»
(եր. 37):

(Շարունակէն)

ԱՐԷԼ ԱՐՔԵՊԻՍԿՈՊՈՍ.

ԸՍՊԵՏՈՒԹԻՒՆ ԵՒ ԽԱՉԱԽԻՔ. ԹԱԳԱՒՈՐՈՒԹԻՒՆ ԼԱՏԻՆԱՅԻՈՑ ՅԵՐՈՒՍԱԼԵՄ.

(Շարունակէն):

Ալեքսիս՝ կողակից Բօլեմոնդի՝ զկնի մահուան հօր
իւրոյ վերադառնալով յԱնտիոք ձեռնառուութեամբ Պօ-
նի իշխանին Տրապօսոյ եւ ձոսլին Բ.ի իշխանին Ե-
ղեսիոյ (սա մի խռովարար եւ ցփ մէկն էր) բռն
արկաւ վերստին իւր փառասիրական խորհրդին:
Յուլք խաղաց նորա դէմ ու հաստատեց մի փոխա-

(*) Վազարայ թղթի յառաջաբանութիւնը
իւր հեղինակութիւնը չէ՝ այլ ուրիշ իրեն ժա-
մանակակից մարդու, ինչպէս կերելի: